

Protokol o Saradnji između JU "Kantonalni Centar za socijalni rad" i "Fondacija Sistemski trening institut -Mentis"

Namjera je Protokola predstaviti širi okvir sporazuma o saradnji, te utvrditi područja zajedničkih interesa i načina rada. Ovaj dokument predstavlja namjeru sporazumnih strana i nije sačinjen kao ugovor, niti iz njega proizlaze pravne obaveze i prava ili bilo kakve druge pravne implikacije.

U Protokolu o saradnji su JU „Kantonalni centar za socijalni rad“ (u daljem tekstu KCZSR) i Fondacija Sistemski trening institut-Institut Mentis (u daljem tekstu „Institut Mentis“) u daljem tekstu „sporazumne strane“.

Član 1:Principi/vrijednosti

Principi:

Sve strane dijele zajednički interes u kreiranju okruženja za dugoročnu promociju mentalnog zdravlja u FBiH.

Vrijednosti:

Kroz partnerstvo, KCZSR i Institut Mentis će upravljati svojim odnosima na osnovu zajedničkih vrijednosti definiranim etičkim statutima javnih ustanova i fondacija.

Član 2: Predmet Protokola

Cilj: Unapređenje mentalnog zdravlja porodica i parova u Sarajevskom kantonu.

Usluge: Pružanje usluga porodične terapije, usluge za bračne parove i usluge za različite oblike porodica koje se nalaze u stanju potrebe.

Lokacija: Usluge će se pružati u prostorijama Instituta Mentis na adresi Zmaja od Bosne bb.

Član 3: Obaveze Strana

Protokolom o saradnji odgovornosti KCZSR

- Putem objava na svim stranicama (web i Facebook profile) podržavati protokol o saradnji.
- Koordinacija potpisivanja protokola o saradnji tokom perioda navedenog u članu 9.
- Koordinirati u saradnji sa Institutom Mentis organizaciju okruglog stola, supervizijskih susreta i posebno dogovorenih aktivnosti tokom perioda navedenog u članu 9.

Protokolom o saradnji odgovornosti Fondacija Sistemski trening institut -Menits

- Formiranje terapijskih timova sastavljenih od porodično-sistemskih savjetnika i supervizora.
- Organizacija terapijskih sesija koje će trajati do 90 minuta, jednom sedmično, obično vikendom.
- Putem objava na svim stranicama (web i Facebook profile) podržavati protokol o saradnji.
- Koordinacija potpisivanja protokola o saradnji tokom perioda navedenog u članu 9.
- Koordinirati u saradnji sa KCZSR organizaciju okruglog stola, supervizijskih susreta i ostalog tokom perioda navedenog u članu 9.

Član 4: Operativni Detalji

Broj sesija: Svaka porodica koja koristi usluge terapije može očekivati između 6-12 terapijskih susreta. Susreti će trajati do 90 minuta i održavaće se jednom sedmično, najčešće vikendom.

Kapacitet: U okviru ovog programa, svakog mjeseca će se pružati usluge do deset porodica, omogućavajući timu da pruži pažljivo i stručno vođene terapijske sesije prilagođene potrebama svake pojedinačne porodice.

Član 5: Finansijski Uslovi

Finansijski okvir: Ovaj protokol ne podrazumijeva posebno definisan finansijski okvir, s obzirom da je osnovni cilj saradnja na unaprijeđenju mentalnog zdravlja zajednice. Strane će zajednički razmatrati i dogovarati sve potencijalne finansijske aspekte u vezi sa realizacijom aktivnosti predviđenih protokolom.

Član 6: Poverljivost

Sigurnost i zaštita privatnosti: Obje strane se obavezuju da će garantovati poverljivost svih informacija dobijenih tokom terapijskih sesija, u skladu sa zakonskim regulativama koje štite privatnost pojedinca.

Član 7: Edukacija i Obuka

Obuka: Institucije će sarađivati na razvoju i implementaciji programa obuka i edukacija za terapeutske timove, sa ciljem održavanja visokog standarda usluga i unaprjeđenja profesionalnih kompetencija članova tima.

Član 8: Promocija i Podizanje Svijesti

Promocija: Strane će sarađivati na promociji programa kako bi se podigla svijest o važnosti mentalnog zdravlja, uključujući organizovanje informativnih kampanja, radionica, i drugih aktivnosti usmjerenih na edukaciju šire javnosti.

Član 9: Trajanje Saradnje

Period: Protokol o saradnji stupiće na snagu 2023. godine i trajati do kraja 2025. godine, sa mogućnošću produženja po isteku inicijalnog perioda, uz međusobno saglasnost obje strane.

Član 10: Rješavanje Sporova

Sporovi: Bilo koja udruženje/institucija/fondacija može se povući iz Sporazuma o saradnji na vlastiti zahtjev, uz obavještenje koje se dostavlja najmanje jedan (1) mjesec prije dana otkazivanja saradnje. Ipak, proces dijaloga i revizije trebao bi uslijediti prije donošenja bilo kakve konačne odluke.

Član 11 Validnost Protokola o saradnji

Ovaj protokol o saradnji sačinjen je u dva istovjetna primjerka, od kojih svaka strana zadržava po jedan. Protokol o saradnji stupa na snagu danom potpisa obje strane i valjan je do izvršenja obaveza regulisanih ovim dokumentom.

Stupanje na snagu Protokola o saradnji

Protokol o saradnji stupa na snagu _____ 2023.g.

Potpis:



Mahir Delić, direktor

Za JU "Kantonalni Centar za socijalni rad"

31-03/01-530-794 4/23

10.10.2023. g.



Potpis:



Armina Čerkić, izvršna direktorica

Za Fondacija Sistemski trening Institut Mentis

0067/23

